

Φεωποίς καὶ σεαυτὸν θίναι, Φίλε πιστώτετε, τὸν
τὰ τῷ παρόντι σημεῖῳ τῆς σαυτὸς μελέτης ἵκα
τῶς ἐΦανέρωσας, ἐν ὧ μὲν Γὸ πρεῖ Γίνη λιγὴν σταθ
δάξειν ἐσταύνεις, καὶ Γὺς ἐσαῦτις ἀντιποιουμένος,
ἐπανορθοῖς. ὅπης δὲ Γέλο σταθῆς αἰτήσειν
ἐσῶν λεχολῶν καὶ πόνων χερίαν χοῖρον, αὐτῷ Γὸν
γον δηλός. Οὕτων δὲ ή σοφία μόνη τὸν μῆνα
Ιανουαρίου, αἴτιος σοι μέλλω θίναι Γὺς ἐστ
τελοίς αἴτιος θίνως παραμεῖναι, καὶ ἐστὶ τελού
τῷ Θεοελίῳ Γέννην αγαθῶν ἡ θάνατον, καὶ τὸν ἐωισθ
μων γάτως ἐποικοδομεῖν, ἵνα τοις ταῖς παλεός οὐ
ταὶ απαρεῖται ἐπιτηδέυμασιν ἐΦάνηλον γενίσθῃ.
Τὸ κατ' ἑαυτὸν τῆς ἐυφυίας σαν καὶ ἕρ
χειζήνατο συγχαίρειν σοι σφόδρα, ἐπιθυμῶν
ώστερε Γὸ παρόν, βίω καὶ Γὸ μέλλον ἐν πρεντι
δύνατο. Εὔχομαι τε τῷ θεῷ ἐντυχεῖς ποιῆσαι
πάντας τὰς πόνους σαν, καὶ Γάγγης ἄξια ἀθλα
τὸς Γὸν ἐπιλοιπον χρόνον ἐπιδεχναί, εἰς Γὺ^{9.}
ἐσαῦτις δόξαν, ὁ φέλημα τῆς ἐκκλησίας, καὶ
τὴν σεαυτὸν ἐυχρηστίαν, ἐργάσσω.

Φιλίας ἔνεκεν ἐγεαψα

L. J. Leebando.
w. Gorbus.

Quod bene vortat.
DISSERTATIO PHYSICA
De
IGNE SVB-
TERRANEO,

Qvam
Cum consensu Amplissime Facultatis Phis
iologicae in Regio ad Embreccam Lyceo,

Sub PRÆSIDIO

VIRI PRÆCELENTISSIMI
OLAI HERMELINI,

Eloq: & Poët: Prof: ordin:

Ad publicum Examen modestè defert
PETRUS BARTELIUS,

Wermelandus.

In Auditorie Majori ad diem Septembris.
Anno M. DC XC.

Horis ante meridiem Solitis.

DORPATI,
Typis Johannes Brendeken,
Acad. Typograph.

Plurimum Reverendo & Clarissimo
VIRO,

M. SIMONI SKRAGGE,
Ecclesiarum Philipstadiensium &
Fernboënsium Pastori meritissi-
mo, avunculo suo Carissimo,
magnō honoris cultū perpe-
tim suspicio.

Reverendo atq; Clarissimo
Dn: HENRICO BYRELIO,
Pastori Raasboensium & Kilenſi-
um attentissimo, benefactori suo
honoratissimo, ætatem deve-
nerando.

Reverendo & clarissimo
Dn: JONÆ BARTELIO,
Rectori Scholæ Philipstadiensis Fi-
delissimo, parentiq; Carissimo o-
mni Filiali observantia pro-
seqvendo.

Salutem & obseqvia!

Igno-

Ignoscite. obsecro.
Benefactores. et. Parentes.

Qvod.

Pro. singulari. vestro. favore.

Pro. paterno amore.

Plurimis. in. me. collatis. beneficiis.

Imo. &c. impensis.

Nil. adhuc. depromere. qveam.

Nisi. immaturas. qvasdā. lucuba-
tiones.

Claris. vestris. nominib⁹. inscriptas.

Interim. tamen.

Memoriam. beneficiorū. vestrorū.

Devota. mente.

Servabo. contectam.

Et. hoc.

Qvalecunq; animi. mei. pignus.

Ad. aram. vestræ. benevolentiaæ
deponens.

Meas. Spes. vobis. commendo.

Clarissimorum nominum vestrorum

Indefessus cultor

Petrus Bartelius,

A. G. R.

A2



Th. I.

Brevem de ignis Subterranei miris atq; Stupendis effectis dissertationem publicæ luci commissurus, è re non esse arbitror in ejusdem Frontispicio dictionum natalibus inquirendis tempus & operam impendere; cum noverim Philologos satis laborasse pro vocum origine investiganda, adeò ut qui limatiora quæsiverit, Soli lucem fœnerari videretur. Neq; de variis earum acceptionibus sum hac vice sollicitus, qvoniam propositum meum est causam hujus ignis, miraq; quæ producit effecta, pro ingenii modulo brevitè ad umbrare, majorem profecto observatio-

nem & accuratius examen exigentia. Qyanquam quid accuratus examen loqvor? cum necessariis qvibusdam in novella Academia libris destitutus, inulta Suspensio, ut ajunt pede, transire cogor, qvæ hic plenius tractari potuisse: Interea si non aliud, contum tamen meum æquo lectori ad probatum iri confido.

Th. II.

Atq; si rem ipsam æquo animo perpendere velimus, nil æque involutum & explicatu arduum interveniemus, ac ignis naturam, phœnomena & effectus. Sic enim est natura comparatum, ut qvæ sensus vehementius impellunt, eadem Intellectus aciem maxime interdum fugiant. Consistunt autem ejus præcipua qualitates in velocissimo particularum motu, caliditate & lumine. De figura vero non convenient Philosophi, qvibusdam ignis

gnis atomos rotundas esse, qvoniā maxime sunt mobiles, statuentibus; aliis esse qvædam tenuissima filamenta, qvorum implexu cætra Elementa devinciantur, sibi pervadentibus: verum cum nullis experimentis, sed saltem conjecturis earundem atomorum figuram ad seqvi licet, judicium hic suspendere præstat. Cæterum cum ignis lucidus sit, & sumnum à se spargit calorem, adseri potest ignem nil aliud esse, qvam plurimarum particulæ terrestrium congeriem, qvarum singule utpote satis solide magnam habent agitationem, eo quod subtilissimæ primi Elementi materia innatent, cujus vi rapiuntur. (a) Cum enim ignis maxime sit actius, & in corpora quantumcumq; dura vim suam exercet, ejus particulæ velut subtilissimæ acus, ut ita dicam, illorum meatus penetrant, & corpusculis qvæ in eis continentur ejectis,

A.4

ob

(a) Le Grand inst. Phys. Cap: 19.

obvias partes dividunt, inq; suam
materiam convertunt. Sic terre-
stres particulas qvæ duræ sunt in
orbem agit, radiosq; lucidos, pul-
sis quoqvoversus secundi Ele-
menti globulis, vibrat. Allata de igne
Sententia arridet Rohaulto (3) in suo
tractatu Physico, sic quoq; statuen-
ti: *Ignis nil aliud est quam congeries*
*maximi numeri particularum terrestrib-
um, quarum singule maxima agitationes*
*cidentur, quia solum imitantur materiæ pri-
mi Elementi.* Ex hisce liqvet ignita
corpuscula summa celeritate, atq;
in omnes partes vibrari, qvia non
sensim & quasi per gradus, sed in
suo motus principio, velocitatem,
quantam habere possunt nacta
sunt. Sunt qvidam, qvi adserunt
ignem nil esse præter sulphurea &
oleosa corpuscula, qvæ ut maxime
pingui summa celeritate inflam-
mantur: interim tamen non infrin-
gi potest Philosophorum sententia,

qui

(3) part: tert: Cap: 9.

qui statuunt ignem sine crassiori-
bus corporum terrestrium parti-
culis, qvibus renoventur, vigere
non posse, qvando in accensis cor-
poribus terrestres partes abripiun-
tur. Ad hujus sententiae stabilita-
tem Cartesi rationes adponere lu-
bet: Ut ignis, inquit conservetur, de-
bent iste particule terrestres esse satis
crasse. solide, atq; ad motum aptæ, ut à
materia primi elementi impulse, vim ha-
beant globulos cœlestes à loco in quo est i-
gnis, & in quem redire parati sunt, im-
pellendi, atq; ita impediendo ne globuli
isti rursus ibi occupent à primo Elemen-
to relicta, sicq; vires ejus fragendo ignem
extinguant. Particulæ enim secundi
Elementi, ut docet Rohaultus (4) in-
desinenter ignis suffocationem moluntur;
Celeritas tamen qva movetur materia pri-
mi Elementi, absq; comparatione major
est ea, qvæ moventur partes secundi Ele-
menti.

A 5

men

(γ) princ: Phil: part: quart: §. 82.

(4) Part: tert: Cap: 9.

menti, & corpuscula, que in congerie
duorum Elementorum fluctuant, non pos-
sunt ad summum relerius moveri quam
secundum, utpote quod cohibet impetum
qui à primo possit imprimi. Globuli e-
nim caelestes ait LeGrand (ε) sive secun-
di Elementi omnes terrestrium corporum
meatus quidem occupant, interstitia tamen
relinquunt quae à materia primi Ele-
menti replentur. Licet autem subtilis-
sima hæc materia in ipsis angulis celeri-
ter moveatur, quamdiu tamen in illis
continetur, non visum adscire, nec par-
ticulas terrestres secum rapere valet, ac
proinde ignis nomen non obtinet. Ut ve-
ro primum liberior terrestres & solidio-
res particulas citissimo motu rotare &
circumagere incipit, ignis speciem pre-
bet, & tum calorem & lucem effundit.

Th. III.

Hisce de ignis natura in gene-
re prælibatis, ad ignem in terræ
cavitatibus contentum oculos ad
mo-

(ε) Inst: Pb: part: 6. Cap: 19.

movebo. Luce autem meridiana
clarus est, illum in terræ cryptis
excitari & operari, æque ac in ejus-
dem superficie; atq; per terræ vi-
scera diffusum vigere, viresq; suas
variis modis exferere: quoniam
ibi facile potest accendi, cum non
desit materia ad concipiendum &
alendum ignem idonea. Deinde
spiritus acres crassarum exhalati-
onum meatus ita possunt pervade-
re, ut in iisflammam accendant,
& faxorum vel silicium fragmenta,
secreto aquarum lapsu, alusq; cau-
sis exesa, ex cavitatum fornicibus
in substratum solum decidendo ex
collisione ignem excitare. Causa
hujus ignis formalis est materia primi E-
lementi, que in sole & astris sensibiliter
collecta; Insensibiliter autem per totum
universum intra exigua spacia globulo-
rum æthereorum dispersa, celerrimo mo-
tu movetur: Causa verò materialis, qua
ignis accenditur, est quadam tertii Ele-
menti materia, inquit Hoffnlius. (ξ)

(ξ) Diff: Phys: 16. §. 3.

Qvo-

Quoniam ignis succis mineralibus inest, ut & aliis mixtis, neminem inficias existimo iturum ignem incryptis subterraneis ardere; utque planior differendi aperiatur campus, ignis subterraneib^erevem contexere libet definitio nem. Est autem ille, qui in terra cavitatibus ex materia Sulphurea & bituminosa, collisione silicum, aut non vehe mentioris venti accensus, atque per terrae capitates latè diffusus, motus terra, insulas, montes ignivomos, thermas, meteora aliaque mira efficit.

Th. IV.

Causam horum effectuum quos breviter nunc enumeravi, mens humana aliam non potest percipere, quam ignem subterraneum; quem itaque causam effectum eorum quae in terrae cavernis producuntur, recte constituimus. Quamvis enim sol suo influxu magnos producat effectus, r*s*diusque suis,

is, magna efficacia ad terram pertingentibus, multos halitus effera^t, cum tamen hi profundè admodum terram penetrare non possint, longè plures ignis subterraneus tollere censendus est. Itaque eorum sententiæ subscribere in omnibus nequeeo, qui perhibent sollem per raros terrarum poros penetrare, in profundo viscerum roborari, atque instar ignium, aquas & quacunque occurunt, calefacerre & combustabilia comburere. Hæc nulla consequentia dici animadvertiset, qui cogitaverit quod hoc modo æstivo tantum & non brumali tempore calefierent. Sollem ergo in tantam cavernarum altitudinem intensi caloris effectu pervadere, & obvia quacque calida reddere non veritati consentaneum videtur: Verum halitus, qui ex profundioribus terræ erumpunt, non solis calori, sed igni subterraneo imputandi sunt, è di versis

versis terræ cryptis vapores, flam-
mamq; eructanti. Nulla enim actio-
fit nisi per materiatum contactum:
Itaq; ignes in terræ gremio accen-
si, per venas subterraneas instar
aqvarum, longè lateq; serpunt
viasq; sibi aperiunt, unde montes
igniflui & motus terræ, de qvibus
infra agendum.

Th. V.

Qvoniam ejusmodi ignes ha-
litusq; fervidos e terræ cavernis o-
pe ignis subterranei adscendere
innuebam, e re est, ut paucis eo-
rum materiam attingam. Sulphur
utpote maximè inflammabile pri-
mariam statuimus esse. Materia
enim sulphurea bituminosa & ole-
osæ adjuncta, ad concipiendum i-
gnem videtur aptissima. Sulphu-
ris autem generatio non adeo dif-
ficilis fuerit intellectu, si perpen-
dere velimus exhalationis particu-
las tenuissimas, nil ferentiaerem,
solas

solas constituere; sed crassioribus
Spirituum particulis facile adnecti,
illasq; ex lœvibus & lubricis ramo-
fas reddere, has deinde succis acri-
bus & metallicis qvibusdam par-
ticulis admixtas, sulphur efficere.
Pinguedo hæc sulphuris ubiq; in-
venitur in lacubus bituminosis, nec
non in abyssis montium ignifluo-
rum, in calidis thermis, cæteraque
sulphurearum fossarum multitudi-
ne, adeoq; hoc oleum per omnem
terram in naturæ conservationem
diffusum putamus. Qvoniam ergo
loci incendiis flagrantia deprehenduntur
esse sulphurea & bituminosa, sequitur
qvod ubi adsunt mineræ sulphuris & bi-
tuminis, facile ibidem efferrri exhalatio-
nes, qvibus occurunt cryptæ subterra-
neæ, quarum concamerationibus adha-
rent, non secus ac fuligo interne cam-
norum nostrorum superficie, sicq; crustans
qvandam gignunt ad flamمام suscipi-
endam multum idoneam, ut recte do-
cet Rohaultus (n) Copisiosa quoq;
mul-

(n) Part: Tert: Cap: 9.

multitudine omnis generis spirituum, sulphuris, nitri, aluminis, salis Ammoniaci, telluris viscera sunt referta, qvibus incensis, strages, terræ motus, & horrendi tumultus oriuntur. Sulphur ex sua natura ignem facile suscipit, & ad oleorum naturam proprius accedit. Et sicuti pulvis pyrus ex sulphure, nitro, & carbone dñi in mortario tritis, constitutus, in flammarum velociter erumpit; ita etiam crusta sulphurea in terræ cavitatibus aliquo modo accensa, flammarum, summa velocitate excitata, qvia ut antea dixi, ignis in velocissimo, & perturbato partium intensibilium motu positus est, quem efficit subtilioris corporis cuncta permeantis agitatio.

Th. VI.

Anteqvam Ignis subterranei effectus delineare auspicor, neceſſe est, ut indicem me non confundere.

dere ignem subterraneum, cum illo centrali, qvem quidam dari statuunt. De hoc enim mihi animus differendi non est. Qvippe an ejusmodi ignis in intimis terræ visceribus, durissima, ut perhibent crusta qvadam circumdatus, agitetur, longe difficilimum est rimari, cum ratio humana in terræ intimos recessus penetrare neq; veat. Qui ergo eundem statuunt, conjecturis faltem niti videntur. B: M: Hoffvenius (8) in sua Physica eundem innuere videtur: *Ratione inquit, prioris status terram in tres regiones dispescimus, quarum prima est centralis, q; tota est ignea, quam propterea ignem subterraneum vocant Physici.* Verum non confundere eum hac sua hypothesi arbitror ignem, qvi in terræ cryptis accenditur, ejusdemq; est naturæ cum nostro igne, cum igne centrali, qvi si ibi detur non pabulo eget, sed ejusdem erit naturæ

B

cum

(8) *Diss: Phys: 12. §. 2.*

cum igne solari: alter verò sine pabulo vivere nequit. Hoc tamen quidquid sit doctis relinquo inuestigandum, & saltem effectus accensi ignis in terræ cavitatibus, breviter sum delineaturus.

Th. VII.

Hicce sic summa brevitate illustratis, supponendum mox arbitror ignem variis modis posse produci in terræ cryptis, præcipue verò ex silicum qvorundam collisione. Illienim cum duræ sunt substantiae, si in illos rigida alia corpora impingant, illo iectu globuli secundi Elementi, ob spatii interie^{cti} angustiam egredi compelluntur, sola materia primi Elementi relictæ, cui innatantes terrestres particulae, motum illius seqventes, ignem producunt. Hujus rei evidens exemplum deduci potest ex collisione chalybis cum silice, quibus ignis excutitur; quippe silices

ut

ut adfirmat Cartesius, (1) sunt rigidæ & friabiles, & ex eo quod sunt duri & rigidi, si percutiantur ab aliquo corpore etiam duro, spatia que multas eorum particulas interiacent, & à globulis secundi Elementi solent occupari, solito fiunt angustiora, & ideo isti globuli exsiliare coacti, nil preter solam materiam primi Elementi relinqunt. Sic etiam accidit in locis subterraneis, ubi ex materia sulphurea & viscosa, nec non exhalationibus, calore qvodam excitatis fit, ut occultus filex alteri collisus, scintillas emittat, quib⁹ exhalationes accensæ & viscosæ materiæ adhærentes, proximis corporibus flammam impertiunt. Hoc quoque confirmat Rohau: (2) Lapidem ex alto deciduum in cryptas subterraneas ob casus celeritatem cogere aërem obrium, quem ad ascensum impellit ac motus summam perniciatem, adeo ut illic possint occurrere particulae quedam

B 2

materiæ

(1) Prin: Phil: part: quart: §. 84

(2) Part: Tert: Cap: 9.

materiæ terrestris, qvibus omnimoda agi-
tatio inest, qualem nancisci potest
materia primi Elementi, qvæq; proinde
incendium rerum combustibilium quas
præterlabuntur, parere possunt. Qvod
autem tam ampla spatia in terræ
cryptis, ubi magnilapides huc atq;
illuc devolvi possint, reperiantur,
nemo inficias ire potest, cum satis
constat Geocosmum intus non soli-
dum, sed venis & meatibus exca-
vatum, in qvibus concussions la-
pidum, ignem elicientium freqven-
tes sunt, & cavitates illæ sulphure
qvasi stratæ, ignem elicitem exci-
pientes, in flamam velociter erum-
punt.

Th. VIII.

Sicuti jam adseruit terram ne-
qvaquam solidam, sed suis cryptis
perfossam esse, sciendum quoq; est
naturam, præter canales aquarum,
igniumq; pyragogos, etiam necef-
faria elaborasse Aërophylacia;

deo

deo ut ventus per occultos siphon-
es in ignis receptacula derivatus,
latentem ignem foveat, & per sub-
limationis arcanum latè diffun-
dat: qvam ob causam in hisce vo-
raginibus aëris oriuntur mugitus
subterranei, cum scilicet per ali-
qvod arctum foramen ventus exi-
tum invenerit, summa vehementia
idem penetrat: haud aliter ac in
cubiculo ita clauso, ut præter tu-
bum camini, per qvem fumus exit,
unum tantum foramen sit aper-
tum, sentietur continuo magnus
ventus per foramen hoc ad focum
tendens, in locum fumi abeuntis.
Dixi ventum ad ignis conservatio-
nen in cryptis subterraneis desi-
derari, qvippe ejus agitatione ma-
gis magisq; accensus diffunditur,
latissimeq; sœvit, partim à spiriti-
bus salnitrofis rarefactis, qui an-
gustiis locorum pressi, prorumpunt
in cavernas vastiores, inclusumq;
aërem agitant: partim à catadu-

pis fluminum sub terra quæ ubi per scrupulosa loca se præcipitaverint, mox intra cataractæ cavernosum tractum, ingentem lapsu suo ventum efficiunt, qui per spiracula evolvitur. Sunt ergo receptacula è quibus ignis veluti è naturæ pulmonibus, necessariam respirationem haurit, vento latenter ignis somitem perpetuo agitante.

Th. IX.

Ex hisce breviter allatis haud difficile erit deducere mira ista atque stupenda effecta, quæ pluribus in locis inveniuntur. Horribile enim dictu est, quanta vehementia terra interdum concutitur, montes transferuntur, urbesque absorberunt, quvarum eversionum maxime luctuosarum exempla perplurima exhibit antiquitas. Memoriae prodit inter alias Regiones, Iudeam ingenti motu concussam, magnam

gnam per eandem regionem fecisse pecudum jacturam, & præter hoc hominum inter ruinas ædium periisse circiter decem millia. Eiusmodi exempla annotavit Señer-
tus (^λ) Sicilia tota, inquit, diebus ferme duodecim tonare cœpit crebrè, sonitus ac ingentes, quales ex tormentorum bellorum ictibus esse solent, non solum Castane & vicinis agris, sed Panormi quoque Lylibæ, Saccæ, Agrigenti, & tota propè insula sunt auditi; è quibus parvo terre motu facto, domorum concussa tecta simul & parietes nutabant. Vesuvius rupto vertice primum saxa ejaculatus est altius; deinde tantas emi sit flamas, ut earum ardore duo etiam oppida Herculanum & Pompeji conflagrarent. Argumentū hujus rei adfert Seneca (^μ) Cū vehementi motu ad apertum ingenti ruita solum est, totas nonnunquam urbes & recipit biatus ille & abscondit. Et circa Peloponesiaci belli tempus Atlantam

B 4

insq;

(λ) Inst: Phys: L. 4. Cap: 5.

(μ) Nat: Quest: Lib: 6. Cap: 26.

insulam aut totam, aut certe magna ex parte superfusam. Multa insuper alia exempla qvassationum terræ inventiuntur, qvæ omnia ratio instituti mei allegare non sinit. Non autem obscurum esse potest, quo pacto inter subterraneas cavernas motus terræ oriuntur, & qvomodo per ramosos cuniculos exhalationes accensæ discurrunt, exitum qværentes, qvem cum non inveniant, terram concutiunt. Tantæ vehementiæ causam non aliam percipere potest mens humana, qvam ab igne subterraneo accensam spiritib⁹ pleni nitri substantiam, qvæ angustus locorum pressa vi frangit obstantia eaq⁹ evertit. Fit eodem ferè modo ac pulvis pyrius in cuniculis subterraneis clausus, qvi post conceptum ignem loca superiora rumpit, prosternit, ipsosq⁹ montes in altum vibrat. Hanc sententiam qvoc⁹ sovet Cartesius, () Qvando. in- qviens

(e) Prin: Phil: part: quart: §. 77.

quiens, celeriter agitantur exhalationum particule quam tenuissimæ, quam ut in oleum verti possint si forte in rimas & cavitates terre magna copia adfluant, pingues ibi & crassos fumos componunt, non absimiles iis qui ex candela recens exstanta egrediuntur, ac deinde si quedam ignis scintilla in ipsis cavitatibus excitetur, illi fumi protinus accenduntur, atq; subito rarefacti carceris sui parietes magna vi concutiunt, præsertim cum multi spiritus ipsis sunt admitti, & exinde terræ motus oriuntur. Unam ejusmodi concussionem sæpen numero multæ aliæ subsequtur; qvia plurima sunt loca excavata sibiq; invicem continuæ & contigua, aliquo nimirum modo mutua communicatione juncta, ita ut exhalationes eas replete, successivè ignem concipiunt. Ex sola exhalationum copia non oriuntur terræ motus, qvia eorum particulæ ærem solummodo componunt: Sed subtilioribus spirituum particulis immixtæ, à

qvibus calefactæ, locum qværentes ampliorem, dilatantur, & obstracula concutiunt. Qvod terræ motus aliquando per aliquothoras aut dies durat, exinde provenit, qvod non una tantum continua cavitatis esse possit, in qua pingues & inflammabiles fumi colliguntur: Sed plures diversæ, terra multò sulphure & bitumine prægnante, disjunctæ. Et cum una exhalatio in uno loco accensa terram concussit, aliqua mora intercedit, priusquam flamma per meatus, sulphure oppletos, ad alia possit pervenire. Patet ergo cryptas subterraneas impletas esse exhalationibus admodum crassis, qvæ, mediante dilatione & expansione, superstratam terram elevant, & in altum attollunt: qvæ postmodum dissipata exhalatione, deorsum labitur. Causam igitur concussioneum præcipuam statuimus ignem esse, in cavitatibus accensum; nec

inclusum

aërem sua latera concutientem, tantas edere strages, quantas à terræ motibus plurimæ regiones expertæ sunt. Hæc adserio confirmari potest ex fulminibus vel meteoris ignitis in aëre accensis. Cum enim exhalationes elevatae, à circumambiente aëre undiq; premantur, ex antiperistasi caloris & frigoris, summa vilatera sua perfringentes, erumpunt. Ejusmodi terræ tremores in locis, qvæ montibus ignivomis sunt viciniora, freqventiores esse solent.

Th. X.

Novas insulas subito, tremente terra, etiam emergere, satis constat & terram in partes divisam discedere, qvæ modo subsidunt, modo elevantur. *Mille miracula, inquit seneca, (ξ) movet, faciemq; mutat locis, & defert montes, subrigit plana, valles extuberat, novas in profundo insulas erigit.*

(ξ) Nat: Quæst: Lib: 6. 4.

git. Nam sicut in mari , patefa-
to hiatu , hic aquæ absorbentur
& fundus subsidit sic alibi terra
in tumorem elevata insulas con-
stituit, satis magnas , imo & no-
mine donatas; qvod adprobat Be-
cman: (o) Nascuntur & alio modo insu-
le ac repente in aliquo mari emergunt;
veluti paria secum faciente natura, queq;
basferit hiatus alio loco recedente. Cla-
re insule Delos & Rhodus memorie pro-
duntur erat.e: Postea minores, ultra Me-
lon Anaphe: Inter Lemnum & Helle-
pontum Nea: pluresq; aliæ. Nemo itaq;
dubius esse potest qvin ejusmodi in-
sulae à violentia ignis subterranei e-
leventur, siqvidem ignem una cum
insulis fursū ferri adnotatū est. Ex-
emplū nobis tale sūstis Seneca: (n)
Cum insula in Eg. eo mari surgeret, spuma-
bat inter diu mare, & fumus ex alto fereba-
tur. Demum prodebat ignem, non continu-
um, sed ex intervallis emicantem, fulminū
more, qvotiens ardor inferior jacentis,

(o) Hist: Orbis Cap: 5.

supe-

(n) Nat: Qvæst: Lib: 2. 26.

superum pondus evicerat, deinde saxare
voluta, rupesq; partim illis se, qvas spiritus
antequam verteretur, expulerat, partim
exes, & in levitatem pumicis versæ,
novissimè cacumen exusti montis emicuit.
Postea altitudini adjectum, & saxum illud
in magnitudem insule crevit. Hisce
adstipulatur Beccm. (e) In hoc Occani
districtu, die Sabbathi mensis Iulii 1638
ignis cum tam inexplicabili violentia, non
obstante oceano erupit, ut ad tantum in-
cendium restinguendum, ne oceanus qvi-
dem sufficeret.

XI.

Abyssos, qvarum mentionem
feci, plenas ignibus reperiri, sat
superq; præterea demonstrant Vul-
canii montes, qvi perenni igne
qvomodo durent, & qvomodo tan-
ta exspirationum diuturnitate non
consumpti, in perpetuo vigore con-
serventur, ei minimè mirum vide-
bitur qvi perennia naturæ opera,

corumq;

(e) Hist: Orbis cap: 5.

eorumq; stabilem pericyclosin penitus contemplatus fuerit. Profetò in naturæ historia igne subterraneo nil certius videtur, utpote qvi se per ejusmodi loca cavernosa passim prodit. Terra enim ut nuper indicavimus, concusia, loca ex vehementi isto motu disrupta, accensis flamnis exitum præbent. Ignis autem subterraneus per montes maxime exire deprehenditur, unde tot montes ignivomi reperiuntur: Inter qvos mons Islandiæ Hecla est, continuos ignes eructans: soni autem qvi horribiles ibi audiuntur e collisa glacie potius sunt. In Italia Vefuvius notus est. In Sicilia horribilis mons Ætna, qvem flamarum globulos, imo & lapides ignitos cineresq; longe lateq; ex caminis suis vibrare notissimum est. Mons præterea Campaniæ Tritulus dictus, in medio speluncam habet in multis partes divisam, qvæ aërem continet

net adeò fervidum, ut pro sudario usurpetur. Mons qvoq; in Sumatra insula, Ætnæ ignis imitator est. Ejusmodi in terra australi longè plurimi esse traduntur. Beccm: (s) dicit Americam Celebriores Vulcani officinas exhibere; In solo qvippe Chilensi Regno quatuordecim numerantur. Effectus ejusmodi horribiles non à radiis solaribus produci arbitramur; sed qvod longè verisimilius est, ab igne subterraneo, qvi inflammatur ab exhalatione seu spiritu cavernis inclusio. Hic enim in locorum angustias coactus, exitum qværerit, & sic attritu & conflictu exardescit: Cartesius ita: (t) Contingit aliquando cum terræ motus sunt, ut parte terræ disiecta & aperta, flamma per juga montium cælum versus erumpat. Idq; ibi potius fit, quam in humilioribus locis; tum qvia sub montibus plures sunt cavitates, tum etiam qvia ma-

gnæ

(s) Hist: Orbis Cap: 5.

(t) Prin: Phil: §. 78.

gna illa fragmenta, quibus constat terra
exterior in se invicem reclinata, facilior
rem ibi praebent exitum flammæ quam in
locis aliis. Et quamvis claudatur
terræ hiatus, simul ac flamma hoc
pacto ex eo erupit, fieri tamen po-
test, ut tanta sulphuris ac bitumi-
nis copia ex montis visceribus ad
eius summitatem expulsa sit, ut ibi
longo incendio sufficiat; noviq; su-
mi postea in iisdem cavitatibus col-
lecti & accensi, facile per eundem
hiatum erumpant. Huic quoq;
adfigere lubet sententiam Justini:
(v) *Solum intrinsecus stratum sulphuri*
& bituminis traditur, que res facit ut
spiritu cum igne inter interiora luctan-
te, compluribus locis nunc flammarum, nunc
vaporum, nunc fumum eructet. Inde
deniq; Aetne per tot secula durat incen-
dium.

Th. XII.
Qvare ignis montium cacu-
mina

(v) Lib: 4. 1.

mina penetret, viamq; sibi sursum
aperiat, intellectu haud erit diffi-
cile, si naturam ignis semper sursum
tendere conantis, perpendere ve-
limus. Ratio enim cur flammæ sub-
terraneæ montium vertices petant,
& relicta humiliori terra, in supe-
riorem sœviant, ab ipso igne pe-
tenda; qui cum vi intra cavitates
terræ contineatur, & illic se dilata-
tandi copia non fiat, carceris sui
parietes superne potius quam in-
ferne infringit, qvoniam ex parte
debilius est obstaculum, & minor
eius impulsibus fit resistentia. Et
hæc recte, cum satis patet terram
in qua ignis agitatur, usq; ad suam
superficiem fragilem esse, & cavernis
fistulisq; ita penetrabilem, ut
ignium eruptionibus, licet inter-
dum non tamen semper exitum
præcludere possit. Itaq; ignis tan-
ta vehementia non semper sursum
fertur, sed à furore suo post tem-
poris aliquod spatium definere so-
let,

C

let, pastu ejus deficiente. Ut qvoqz
canit Ovid(Φ).

Nec qvæ sulphureis ardet forna-
cibus Aetna

Ignea semper erit, neqz enim fuit
ignea semper.

Ratio esse potest qvod cum vehe-
mentes flamas ad tempus eru-
ctaverit, partes montium ex tali
horribili incendio exesæ, corruere
incipiant. Cum vero sulphur de-
nuò congregari incipit collapsas
rupes & obstructions vel disruptum
accensæ flammæ vel ad late-
ra collapsorum lapidum exitum
qværunt.

Th: XIII.

Sicuti terræ anfractus passim
pleni sunt, heic aëre, alibi igne,
caminis, fumum & flammarum cine-
resqz eructantibus; Sic qvoqz fer-
ventes æqvæ, qvas termas adpel-
la-

(Φ) Meta: lib: 15.

lamus, plurimæ reperiuntur. Eas-
dein sua natura vel principio qvo-
dam interno calidas esse neminem
adserere existimo, nisi qvi Philo-
sophia maxime ignarus sit, qvo-
niam aqua sua natura est frigida,
& proinde alia causa calorem
excitari necesse est. Neqz calor iste
thermis communicatus vi metallorū
vel æqvæ forti adscribi po-
test, cum illa perennem caloris
continuationem minime produce-
re possint; Neqz radiis solaribus
terram penetrantibus, qvod tamen
quidā statuunt: Sunt etiam sibi qvi
persuadent spiritū seu flatū in terræ
viscera vehementius impulsū eis-
dem calorem attribuere, in quo-
rum castra transfire non placet. Si
enim ventus in causa esset, una ē
cavernis cum aqua erumpente se
reciperet, atqz ita aquam calidam
semel effusam subseqveretur frigi-
da, siqz videm non videtur posse
coerceri, nisi una cum aquis efflu-
enti.

entibus erumpat. Alii qvoq; reperiuntur, calorem thermarum non ex ignis subterranei vi & efficacia, sed ex calore qvodam subterraneo, qui ab altero est diversus, deducentes: Verum non videntur, unde tantus calor nisi ab igne subterraneo provenire possit, præfertim cum hæ thermæ adeo fervidæ reperiantur ut aqua igni admota vix majorem calorem concipiatur. Qværitur ergo unde iste calor? Procul dubio ab igne subterraneo. Qvamvis enim non negaverim corporum heterogeneorum misturam puta, sulphuris & bituminis aliorumq; inflammabilium aquas calefacere interdum posse, eodem fere modo, quo aquæ in vivam calcem effusæ fervent; cum tamen illæ sunt saltem materia, qvæ pabulum & fomitem in ignis conservationem præbent, isti fermentationi hunc effectum semper attribuere non consultum videtur.

detur. Tumissima forte opinio erit adserere aqua per locajam antea accensa & ferventia meando, calorem, quem conceperat secum exportare. Et sicuti ignem varios terrarum tractus eosq; aliquando longissimos permeare constat, donec alicubi exspiret; ita aliquando cuniculos intrat haud dubie cum aquis, easq; pro virtute igneâ quam obtinuit, calidas, velut alicubi contingit, fervidas reddit. Ejusmodi ignis ac incurrentium simul aqvorum exemplum reperiri fertur inter Puteolos & Neapolin in campo Vulcanio. Itaq; calidæ redduntur, prout ignis iis vel vicinus est, vel remotior; ut quasi à perpetuo foco per qvostdam terræ caminos repant calores, unde nonnulli ignes una cum aquis fervidis erumpunt.

Th: XIV.

Thermis leviter consideratis
aliqua de lacubus & stagnis sub-
C3 junge-

jungere lubet; qvæ cur in fundo
non gelu adstringantur, ignis sub-
terraneus qvoq; in causā est, ali-
qvali calore ad eum pertingens.
Huic sententiæ suffragatur Hoffve-
nius: (x) *De igne inquit subterraneo ne-
mo dubitare potest qui terræ cryptas, cel-
las, lacuum mariumq; fundos, fontium de-
nig scatebras calere, rigente licet gelu terræ
superficie, animaduertit.* Qvodq; a-
qva prope fundum aliquali gaudet
calore, etiam exinde hauriri po-
test, qvod pisces tempore bruma-
li ad profundiora lacuum se con-
ferant; ubi per hyemem ob aqvæ
tempore commorantur, & eo tem-
pore raro juxta litora reperiuntur.
Præter has & alias miras alterati-
ones, qvas ignis subterraneus effi-
cit, fontium qvoq; aqvas calore
suo mirabiliter temperat, ut in
thermis alia calida, alia tepida,
nunc sulphurea, vel bituminosa
aqua nascatur.

(x) *Diph: Phys. 12.*

Th:

Th. XV.

Sic breviter lustratis ignis ef-
fectis in locis subterraneis, de ex-
halationibus qvæ in sublime ab eo-
dem efferuntur aliquid attingam.
Qvamvis enim radii solares sua vi
exhalationes, ex qvibus meteora
in aëre accenduntur, plurimas at-
tollant; nullus tamen dubito, qvin
ignis subterraneus multum confe-
rat ad elevationem harum exhala-
tionum, cum terra, aqva, ut aliæ
res mixtæ, ab igne illo agitatæ, in
aërem effluvia sua evehunt, ubi in-
ter se permiscentur & meteora gi-
gnunt. Itaq; a veritate longius ab-
esse videntur, qvi solem tantum
exhalationum qvæ elevantur, ad
meteororum generationem, eau-
fam faciunt, vim soli attractivam
esse autemantes, qvam opinionem
accuratiores Philosophi dudum in-
fregerant. Meteora enim non mi-
nus tempore hyberno, cum radii
solares debiliores sunt, qvam tem-

C4

pore

pore æstivo generantur: interim tamen calor qvi ad tantam exhalationum copiam desideratur, non solum provenit ab ignibus subterraneis; verum etiam a radiis solariibus reflexis, qvi directis incurrentes conduplicantur. Variæ autem sunt exhalationes istæ, qvæ hinc elevantur, ex aqua scilicet vapores, ex terra & succis oleaginosis fumi & exhalationes. Verosimile quoq; videtur vento subterraneo hasce educi, qvi nunquam ferre cessat, sed ruendo per suos canales, ingentia exhalationum volumina per poros terræ ejicit in altum; & ignis simul in cavernis latens, in montibus aliisq; passim locis ignivomis, terram & aquam præterlabentes protri^{sione} immanni ingentes vaporum & exhalationum fumos per rimas venascq; in apertū eructant. Venenatus quoq; aér e subterraneis locis sœpe multis erumpit, sicut de quibusdam

Cam.

Campaniæ locis narratur, ubi antea subterranea fumos sulphureos exhalant, qvorum alii mortiferi, alii autem salutares esse dicuntur.

Th: XVI.

Postqvam levi jam penicillo adumbrata, qvæ ad meum propositum maxime visa sunt spectare, ad materiam ignium subterraneorum à me antea breviter delineatam redire placuit. Cum enim ignem continuo operari, & varia effecta producere in terræ visceribus adfirmarim, esset forte qvi ad assertiōnem hanc convellere conarentur, dicendo totam terram jam dum consumptam fuisse, si adeo perennis ibidem duraret ignis. Verum hoc non inhibet qvo minus perennitate sua gaudeat. Metallorum enim ac mineralium formam sui, ut ita dicam, multiplicativam esse, eamq; vim ab ipsa creatione accepisse, neminem negare arbitror. Naturæ autem or-

C 5

do

do postulat, ut semen universale in hydrophylaciis per aestuaria illis adjuncta, debita concoctione praeparetur; qva peracta, per variam transfusionem pellitur per meatus & subterraneos canales, vel in montium viscera, vel terrarum meditullia, & in mineralia coalescit, qvalia dispositio locorum reqvirit, naturae necessitas flagitat, & in humano genere usus perpetuus. Et qvemadmodum sulphur præcipua est materia ignis subterranei tam concipiendi, qvam alendi; sic quoq; nullum me tenet dubium qvin sulphur, sicut alia species mineralium, per singularum partium accessiones propagetur, qvod propterea igni alimentum continuum subministrare queat. Sulphur insuper, bitumen & similia in se continent semen inconsuatum ignibus, qvod scilicet per fuliginem, favillam & halitus pingues ex una materia in aliam transfertur eamq; fœcundat.

fœcundat. Et utrem verbo completear: Natura cuiq; speciei pro perpetua propagatione perpetuum elargita est Seminarium.

Th. XVII.

Ad sunt præterea ignes procul dubio non conspicui in terræ cryptis, qvi eodem modo in terræ visceribus accenduntur, ac ignes qvi flammam eructant. Fieri enim potest ut statim ac excitati sunt, suffocentur, cum defint spiramenta, per qvæ fumo detur exitus. Aliqua etiam essent dicenda de superstitiosa antiquitate, qvæ poster fragorem & mugitum, in montibus ignivomis audiri solitum, purgatorium sibi imaginabantur: Verum brevitatis studiosus, filum jam abrumpo. Qvod si operam meam qvalemcunq; conatusq; immatuos faventi benignaq; Censura l. b. juvare dignetur, fieri ut voto mihi frui contingat, eandemq; imposterum confidentius sperare audeam.

*Pereximie atq; Praestantisime
Domine BAR TELI,
amice sincere dilecte!*

Perfectam rerum oculis nostris
objectarum scientiam acqvire-
re, arduum esse , tot dissiden-
tes Philosophorum sententiæ satis
indicant; nec dubium est qvin ma-
jorem industriam poscant naturæ
arcana, & in terræ cavernis con-
ditæ res, ut rite recteq; indagentur,
cum tantum studii atq; laboris circa
ea qvæ manibus palpantur , con-
summatur. Aetnam, Vesuvium &
Heclam, dum ignes ejectare vidit
antiqvitas, stupuit. Fontes aqua
calida scatere, mirabantur paren-
tes nostri. Terræ motui qvas cau-
fas adscriberet, ætas præterita igno-
ravit: Viribus subterranei ignis
hæc omnia tribui debere , docet
Doctissime Respondens erudita
Tua disputatio; qvam qvoniam lu-

ci

cipublicæ datus sis, animum co-
hibere non potui, qvin gratulanti-
um agmini me immiscerem. Fate-
or ex qvo amicitia Tua frui licuit
ignei aliquid & magni Te moliri,
mihi semper animadversum fuisse.
Et hercle , materia hæc subtilissi-
ma, sordium immunis , munditi-
eiq; amans; mentem puram, inge-
niuum igneum, vitam comtam sui
delineatoris abunde testatur. Amat
qvidem ignis alta petere , solemq;
sedis loco agnoscere , interim ta-
men terræ meatibus claudi , aéri
imo & aquæ immisceri non respu-
it; Sic Tu qvanq; terrenum or-
bem hospitii instar , cœlum vero
pro patria habes, attamen in caver-
narum recessus descendere, visce-
raq; terræ animo rimari non de-
dignaris. Laudamus eos, qvileo-
nem, ursum , bovem imo & ho-
minem parvum illum mundum a-
natomiæ subjicere, arteriis, venis,
nervis & musculis sciunt nomina
dare:

dare; Quid faciamus huic, qvi va-
stæ matris alvum aperire, eamq;
nobis confaciendam præbere no-
vit? Certe felicem illum existina-
mus, qvi in terram descendendo
sic suæ eruditionis semina serit, ut
messis ejus nunquam demetenda,
æternum floreat, vireat, vigeat.

Festimanti colamo, amico
tamen mente scripsit

M. G. Edenius.
Wermelandus.

Amicorum optime.

Qui cupit excelsum doctrinæ scandere
culmen,
Letaq; Pieris carpere dona jugi;
Non iste ignavo traducat tempora somno,
Sed colat Aonias nocte Dieq; Deas.
Lorod quonia à teneris fecisti sedulus annis,
En venit ingenio gloria pulcra Tuo.

Narr

Nam Tibi lauriger æ Phœbus de margine ripe
Exhibuit larga pocula docta manus;
Ipsaq; reclusit penitos natura recessus,
Quidquid ē occulti terra profunda
fovet.
Parva mora est, justos addet cum Phœbus
bonores,
Præmiaq; haud studiis inficianda Tuis.

Fraterni amoris Ergo
ædōσχέδιων hocce
religavit

Carolus Undeen,
W: Gothus.

Siccine terre
Viscera lusfras
Lumine mentis,
Sulphureosq;
Surgere fœtus
Per sinuosa
Differis antra?
Ut modo flamma
Mixta favillis
Emicat alte;
Aut modo tellus
Quassa tremore
Pandit hiatus,
Atq; recludit
Tartara nigra.
Subsidet illuc
Terra